

安東縣誌（民國）三

安東縣志卷七目錄

宗教

佛教

道教

回教

天主教

耶穌教

附祠廟

禮俗

語言

外僑

安東縣志卷七

宗教

我國黃帝堯舜禹湯文武皆以大聖而作君師一道相傳歷千百年而不改至孔子而集其大成其爲道也廣大精微既無畛域之分亦無宗派之別所謂放之四海而皆準行之萬世而不易者也豈徒崇神明而尚儀式哉其有別樹一幟倡神道之說或奉多神或奉一神其宗派雖殊而皆假神道以設教使人信仰而崇拜之以冀達其勸善懲惡之目的是所謂宗教也我國宗教之著者曰佛曰道曰回曰天主耶穌此五教者惟佛教創自我國其他若佛傳自印度回教傳自天方天主耶穌二教傳自猶太與歐西雖其時代之先後不同要皆爲吾國所現行者也安東壤地褊小

而宗教皆備茲將各教傳入之先後及教民信從之多寡而分述之志宗教

佛教

佛教創自印度淨飯王子釋迦牟尼感人之生老病死年十九入雪山苦身修行六年大悟教義四出說法四十餘年其教有大乘小乘之別小乘言地獄極苦以悟下愚大乘說哲理以導上智其自爲經文存於今者甚多初流行於印度全地漸波及於中亞細亞後漢明帝時設立佛寺翻譯佛經爲佛教入中國之始至晉宋間而大盛梁武帝篤信佛教捨身同泰以求福利菩提達摩由印度浮海至廣州武帝與言佛理知帝不能領其玄旨乃游北魏入嵩山少林寺以修禪面壁十年開禪門之派奉佛者

尊爲中國禪宗第一祖五傳至弘忍示寂後弟子爭傳衣鉢久之分爲滌
仰曹洞臨濟雲門法眼五宗盛行各地自古迄今惟三武後魏太武帝北
周武帝唐武宗排斥
佛教釋家爲三武之禍周世宗明世宗亦斥佛教其餘雖時有盛衰然上
自帝王下至庶民無不崇奉其教起寺院度僧尼譯經典不可勝計故佛
教深入中國之人心歷數千年而不改其傳入遼東始於魏晉之際高句
麗建國聘西僧宏通釋典遼金元崛起北方咸崇信仰有清統一中國佛
教與儒道鼎峙稱爲三教清季變法擬以不列祀典之祠廟改建學校廟
產多被沒收民國既建信教自由佛教徒組織中華佛教總支各會爲沙
門護法並籌款設立學校自管理寺廟條例頒行各處祠廟有關名勝者
法律負保護之責而僧侶之戒行高潔精通教義者國家彰表揚之典宗

風庶可不墜乎安東之有佛教不知始於何時以殘碑考之若一區紅石村之玉泉寺雙泉朝陽彌陀寺八區前陽村之海潮寺皆在明之萬歷間第寺院荒廢僅餘故址無從考其宗派蓋有清二百餘年此地儼同甌脫榛莽荒穢杳無居人而佛像之埋沒地中者開墾以來陸續發現意者明之季世梵宮禪院所在皆是佛教之盛可知已至若三區大金山村之三官廟清光緒初鳳城關帝廟下院主持僧心澈創建七區富家村之長安寺建於清同治間山左海陽七降寺僧了習雲遊至此卓錫其中傳其衣鉢者爲悟鐸眞立五區浪頭村之東江寺亦爲鳳城關帝廟下院主持僧心澈創建繼之者爲廣化廣闡嗣以該廟富有產業廣闡不守清規恣意揮霍被控斥革續鉢本法繼之侵吞廟產數至鉅萬又被攻擊而去近以

覺亮繼之然則佛教之在安東可謂陵夷衰微矣

道教

道教之興起自老子然老子道德經皆治世之治原與宗教無異不過方士等講神仙之術者附會之耳後漢張道陵講長生術創符籙真言實爲道教之所來也唐宋君王皆崇信道教宮觀道流徧於各州南宋長春真人邱處機師事王重陽得先天大道宋金辟召皆不赴元太祖遣中使劉中祿泛海徵聘八年而後得見三請乃命駕入覲行在首以天道好生不嗜殺人爲諫元主重之尊爲國師而不臣弟子十八人隨地佈教號爲龍門宗今中國北部道流皆其宗派也安東地處邊陲設治較晚道流之來此者大抵皆遊方之士窮困無告之人並無所謂宗派也但得宮觀廟宇

而住持之固已爰得我所而有終焉之志矣雖其人較僧侶爲稍多而統計安東全境道徒不滿十人道教之衰微可知已

安東境內有道教之廟宇分志於下

城隍廟 在城區七道溝清光緒十八年建二十六年增修民國八年重

修主持道侶二

關帝廟 在縣治東北一區栗子村建修年代無考民國四年重修主持

道侶二

寶清宮 在縣治正北二區梨樹村光緒二年建十九年重修主持道侶

一

羅漢廟 在縣治西北二區土城村清同治十三年建光緒二年增修民

國二年重修主持道侶一

龍母廟

在縣治西南八區小寺村建修年代無考主持道侶一

財神廟

在縣治西南八區八科樹東村大柞木山建築年代無考住持

道侶一

佛爺廟

在縣治西南黃柏樹村石佛山清光緒七年建住持道侶一

回教

回教傳自天方稱天方教亦曰清真教西歷六百十五年穆罕默德所創

其教以識主爲宗旨獨信上帝不信他神不拜偶像乃最嚴肅之一神教

著經典曰古爾加尼一譯曰可蘭經

凡三十部六千六百六十六章

教曰伊斯蘭服從之義言

人人宜服從帝命也初興於阿剌伯勢力頗盛令其教徒遇有異教則征

服之及大食國興以武力傳播其教於四方至宋時爲回紇人所崇奉遂名曰回教盛行於中亞各地元太祖攻金時部下多奉回教太宗攻宋時亦然遂開東漸之基蔓延於中國西部最盛處爲新疆天山南路故其地亦曰回疆清高宗時回疆收入版圖編其人於八旗軍中以爲懷柔之計回教由是散布內地各省今居安東者多出鳳城本溪遼陽諸縣及直隸天津各縣自行遷徙而來雖與漢滿諸族同爲土著之人然其人皆確守天方典禮清真教規以真主爲嚮往穆聖爲依歸風教固殊焉其掌教回文經典者有二等大師曰阿訇長由他處延聘而來從教生徒曰海里凡大學生之義教師曰阿訇亦曰阿訇或譯阿衡出自本地專教小學者也皆常居清真寺凡婚姻喪葬祀事則延阿訇書箋誦經祈禱其教最重禮拜

以禮拜有閑邪存誠之妙拜跪起止見幽明化育之理對越趨跼寓天人合一之機故特重之一日五禮寅午申酉亥五時各禮拜一次寅曰晨禮午曰晌禮申曰哺禮酉曰昏禮亥曰宵禮密於昭事之功也有條例有儀則獨教長教師及鄉老能尊守五時篤行五禮庸衆以職業關係而不能守也七日一聚每七日值亢牛婁鬼四宿爲主麻曰主麻者華言聚會禮拜之意歛衆歸一以示欽性歸真之義也是日教民咸潔已沐浴赴寺禮拜一年二會一曰開會乃齋月後開齋之禮一曰祀會乃禋祀日朝覲之禮也日禮總三十二拜六十四叩一百七十八贊通爲二百七十四數合於月行一周天之數也聚禮十拜會禮二拜主制聖則各有定數不容缺也至其居用服食之節婚姻喪葬之文皆有定制臺臺相傳而不可易者

詳於禮俗志中

清真寺 俗呼禮拜寺爲回民聚會禮拜之所凡禮拜必先沐浴以清潔

其体立意以誠敬其心外貌嚴肅內境醇龐屏去驕肆之容絕去塵俗之想而後能盡昭虔對越之功故以清真名其寺城鎮鄉共六處一在官電

行光緒三年春

洪維翰馬德山錢朝元楊立平

四人建教長一教師一理事二一在七道溝

民國二年回民李秉真發起由附近回民共同捐資建教師一人司事一

人一在九連城光緒十四年回民錢朝元倡建教師二司事二一在大東

溝光緒七年建教師司事各一一在六道溝民國十二年回民武聯陞建

教師二一在于家溝民國十二年楊廷財海某馬子齡倡建專爲女回民

禮拜之所各寺禮拜人數多寡不同以官電街清真寺爲最多七道溝清

眞寺次之大東溝九連城等處爲最少云

天主教

天主教爲耶穌教所自出其教旨與耶穌同信上帝闢他神重靈魂斥偶像奉羅馬教皇爲宗主自教皇遣使出售免罪券路得反對著論辦難風靡西歐於是耶穌新教出天主遂稱爲舊教第神權嚴重少自由平等之風自拿侖一世後教皇政權旣失復爲路德新教所軋信從亦漸少矣惟法意奧比西葡諸國奉行無替其入中國唐時稱景教後與佛教相排斥漸絕跡及元時西人多來中國其教遂再東漸迨明時來者日多傳教者益衆嘉靖間利馬竇東來著書傳教於上海設天主堂大學士徐光啓首先信之其後宮壺流行迄於永歷清聖祖以南懷仁湯若望輩佐定曆象

功復興其教惟當時教堂建設僅通商口岸數處而已及英法聯軍之役文宗北狩約款既成傳教遂徧於內地光緒初元法蘭西按約宣教漸至奉天光緒中葉始來安東及大東溝開堂傳教氣燄甚盛每至縣署必盛陳儀仗而後入然入其教者正人尠少多恃入教爲護符倚勢凌人西教士復從而庇之遇有爭訟官府畏其勢輒袒教而抑民故其時莠民入教者甚衆庚子之變民教相仇司鐸者回國教堂悉被焚燬教民星散辛丑續成盛京將軍增辦理奉天全省教民賠撫各案焚燬各處教堂共賠款壹百四十萬兩由天主教會主教蘇斐理辦結另立約章至教士被害攻被挖一切大小事體一律完結共撫卹藩平銀四萬兩自此民教相仇之風遂息而天主教之在安東者等於自檜以下矣

天主堂 在自新街西山麓光緒二十一年法人方神父始來安東價買

劉全和之地四畝

東西二十七弓
南北二十六弓

草房十一間開堂傳教庚子之變教主回

國房悉被焚嗣由奉天教會主教蘇斐理交涉到縣查明地址民國元年法人倪神父來安就舊址建築樓房上下十楹爲神父住宅瓦屋五間三間爲經堂二間爲談話室二年錫神父繼續傳教一歲病故自是無常住神父惟教民徐化南常住經理主教蘇斐理由奉天歲時一至數年法神父劉景寬繼續經理以迄於今常住奉天歲四五月一至而已終日閉門並不傳教逢禮拜僅教民數十到堂誦經一小時神父至教民齊集約三十餘人

大東溝在庚子前法神父價買復合成房園一所計房十三間七間爲